

摘藻堂四庫全書薈要

集部

欽定四庫全書會要

集部

御定詠物詩選卷二百四十六

四至

詳校官原任主事 李斯咏

欽定四庫全書薈要卷一萬八千八百六十六集部

御定佩文齋詠物詩選卷二百四十四

茶類

五言古

答族姪僧中孚贈玉泉仙人掌茶

唐  
李白

常聞玉泉山山洞多乳窟仙鼠如白鷄倒懸深谿月茗  
生此中石玉泉流不歇根柯灑芳津採服潤肌骨叢老



卷綠葉枝枝相接連曝成仙人掌似拍洪崖肩舉世未  
見之其名定誰傳宗英乃禪伯投贈有佳篇清鏡燭無  
鹽顧慙西子研朝坐有餘興長吟播諸天

巽上人以竹間自採新茶見贈酬之以詩

唐

柳宗元

芳叢翳湘竹零露凝清華復此雪山客晨朝掇靈芽蒸  
煙俯石瀨咫尺凌丹崖圓方麗奇色圭璧無纖瑕呼兒  
鑿金鼎餘馥延幽遐滌慮發真照還源蕩昏邪猶同甘

露飲佛事熏昆耶吐此蓬瀛侶無乃貴流霞

睡後茶興憶楊同州

唐白居易

昨晚飲太多寃我連宵醉今朝餐又飽爛漫移時睡  
足摩挲眼眼前無一事信脚遶池行偶然得幽致婆娑  
綠陰樹斑駁青苔地此處置繩牀傍邊洗茶器白磁甌  
甚潔紅爐炭方熾沫下麴塵香花浮魚眼沸盛來有佳  
色嚙罷餘芳氣不見楊幕巢誰人知此味

龍山人惠石廩方及團茶

唐李羣玉

客有衡岳隱遺予石廩茶自云凌煙露採掇春山芽珪  
壁相壓疊積芳莫能加碾成黃金粉輕嫩如松花紅爐  
爨霜枝越兒斟井華灘聲起魚眼滿鼎漂清霞凝澄坐  
曉燈病眼如蒙紗一甌拂昏寐襟鬲開煩拏顧渚與方  
山誰人留品差持甌默吟味搖膝空咨嗟

茶塢

唐

陸龜蒙

茗地曲隈回野行多繚繞向陽就中密背澗差還少遙  
盤雲髻慢亂簇香篝小何處好幽期滿巖春露曉

茶人

陸龜蒙

天賦識靈草自然鍾野姿閒來北山下似與東風期雨  
後探芳去雲間幽路危惟應報春鳥得共斯人知

茶笋

陸龜蒙

所孕和氣深時抽玉茗短輕煙漸結華嫩蘂初成管尋  
來青靄曙欲去紅雲暖秀色自難逢傾筐不曾滿

茶焙

陸龜蒙

左右擣凝膏朝昏布煙縷方圓隨樣拍次第依層取山

謠縱高下火候還文武見說焙前人時時炙花脯

茶塢

唐  
皮日休

開尋堯氏山遂入深深塢種薈已成園栽葭寧記畝石  
窪泉似掬巖罅雲如縷好是夏初時白花滿煙雨

茶笋

皮日休

裒然三五寸生必依巖洞寒恐結紅鉛暖宜銷紫汞圓  
如玉軸光脆似瓊英凍每為遇之踈南山挂幽夢

茶舍

皮日休



陽崖枕白屋幾口嬉嬉活棚上汲紅泉焙前蒸紫蕨乃  
翁研茗後中婦拍茶歌相向掩柴扉清香滿山月

茶焙

皮日休

鑿彼碧巖下恰應深二尺泥易帶雲根燒難礙石脉初  
能燥金餅漸見乾瓊液九里共杉林相望在山側

煮茶

皮日休

香泉一合乳煎作連珠沸時看蟹目濺乍見魚鱗起聲  
疑松帶雨餽恐煙生翠儻把漑中山必無千日醉

得雷太簡自製蒙頂茶

宋

梅堯臣

陸羽舊茶經一意重蒙頂比來唯建谿團片敵湯餅顧  
渚及陽羨又復下越茗近來江國人鷹爪夸雙井凡今  
天下品非此不覽省蜀蒔久無味聲名謾馳騁因雷與  
改造帶露摘牙穎自煮至揉焙入碾只俄頃湯嫩乳花  
浮香新舌甘永初分翰林公豈數博士冷醉來不知惜  
悔許已向醒重思朋友義果決在勇猛倏然乃以贈蠟  
囊收細梗吁嗟茗與鞭二物誠不幸我貧事事無得之

似贅癭

呂晉叔著作遺新茶

梅堯臣

四葉及三游共家原坂嶺歲摘建谿春爭先取晴景大  
窠有壯液所發必竒穎一朝團焙成價與黃金逞呂侯  
得鄉人分贈我已幸其贈幾何多六色十五餅每餅包  
青翦紅籤纏素棘屑之雲雪輕啜已神魄惺會待嘉客  
來侑談當晝永

李仲求寄建谿洪井茶七品云愈少愈佳未知

嘗何如耳因條而答之

梅堯臣

忽有西山使始遺七品茶末品無水暈六品無沈祖五  
品散雲脚四品浮粟花三品若瓊乳二品罕所加絕品  
不可議甘香焉等差一日嘗一甌六腑無昏邪夜枕不  
得寐月樹聞啼鴉憂來唯覺衰可驗唯齒牙動搖有三  
四妨咀連左車髮亦足驚悚踈踈點霜華乃思平生遊  
但恨江路賒安得一見之煮泉相與誇

茶壠

宋  
蔡襄

造化曾無私亦有意所嘉夜雨作春力朝雲護日車千  
萬碧天枝戢戢抽靈芽

採茶

蔡襄

春衫逐紅旗散入青林下陰崖喜先至新苗漸盈把競  
攜筠籠歸更帶山雲寫

造茶

蔡襄

糜玉寸陰間搏金新範裏規呈月正圓勢動龍初起出  
焙幽花全爭誇火候是

試茶

蔡襄

兔毫紫甌新蟹眼清泉煮雪凍作成花雲間未垂縷願  
爾池中波去作人間雨

飲修仁茶

宋孫覲

煙雲吐長崖風雨暗古縣竹輿頽兩肩弛擔息微倦茗  
飲初一嘗老父有芹獻幽姿絕媚嫵著齒得瞑眩昏昏  
嗜睡翁喚起風灑面亦有不平心盡從毛孔散

龍門茶屋圖

元倪瓚

龍門秋月影茶屋白雲泉不與世人賞瑤草自年年上  
有天池水松風舞淪漣何當躡飛鳧去采池中蓮

七言古

附長短句

西山蘭若試茶歌

唐

劉禹錫

山僧後檐茶數叢春來暎竹抽新茸宛然為客振衣起  
自傍芳叢摘鷹觜斯須炒成滿室香便酌砌下金沙水  
驟雨松聲入鼎來白雲滿盃花徘徊悠揚噴鼻宿醒散  
清峭徹骨煩襟開陽崖陰嶺各殊氣未若竹下莓苔地

炎帝雖嘗未解煎桐君有錄那知味新芽連拳半未舒  
自摘至煎俄頃餘木蘭沾露香微似瑤草臨波色不如  
僧言靈味宜幽寂采采翹英為嘉客不辭緘封寄郡齋  
甌井銅爐損標格何況蒙山顧渚春白泥赤印走風塵  
可知花乳清冷味須是眠雲跂石人

西嶺道士茶歌

唐  
溫庭筠

乳竇濺濺通石脉綠塵愁草春江色澗花入井水味香  
山月當人松影直仙翁白扇霜烏翎拂壇夜讀黃庭經



疎香皓齒有餘味更覺鶴心通杳冥

謝僧寄茶

唐  
李咸用

空門少年初志堅摘芳為藥除睡眠匡山茗樹朝陽偏  
暖萌如爪拏飛鳶枝枝膏露凝滴圓參差尖向兜羅綿  
傾筐短甌蒸新鮮白紵眼細勻於研甄排古砌春苔乾  
殷勤寄我清明前金槽無聲飛碧煙赤獸呵冰急鐵喧  
林風夕和真珠泉半匙青粉攪潺湲綠雲輕綰湘娥鬟  
嘗來縱使重支枕蝴蝶寂寂空掩關

月兔茶

宋蘇軾

環非環玦非玦中有迷離白兔兒一似佳人裙上月月  
圓還缺缺還圓此月一缺圓何年君不見鬪茶公子不  
忍鬪小團上有雙銜綬帶雙飛鸞

試院煎茶

蘇軾

蟹眼已過魚眼生颼颼欲作松風鳴蒙茸出磨細珠落  
眩轉遠甌飛雪輕銀餅瀉湯誇第二未識古人煎水意  
君不見昔時李生好客手自煎貴從活火發新泉又不

見今時潞公煎茶學西蜀定州花瓷琢紅玉我今貧病  
常苦饑分無玉盃捧蛾眉且學公家作茗飲磚爐石鈿  
行相隨不用撐腸拄腹文字五千卷但願一甌常及睡  
足日高時

送南屏謙師

蘇軾

道人曉出南屏山來試點茶三昧手忽驚午盞鬼毛斑  
打作春窺鶯兒酒天台乳花世不見玉川風腋今安有  
先生有意續茶經會使老謙名不朽

魯直以詩餽雙井茶次韻為謝 蘇軾

江夏無雙種奇茗汝陰六一誇新書磨成不敢付僮僕  
自看雪湯生璣珠列仙之儒瘠不腴只有病渴同相如  
明年我欲東南去畫舫何妨宿太湖

雙井茶送子瞻

宋黃庭堅

人間風日不到處天上玉堂森寶書想見東坡舊居士  
揮毫百斛瀉明珠我家江南摘雲腴落磴霏霏雪不如  
為公喚起黃州夢獨載扁舟向五湖

謝王烟之惠茶

黃庭堅

平生心賞建谿春一丘風味極可人  
香包解盡寶帶胯  
黑面碾出明窗塵  
家園鷹爪政嘔冷  
官焙龍文常食陳  
於公歲取壑源足  
勿遣沙谿來亂真

簡江子之求茶

宋  
晁冲之

政和密雲不作團  
小夸寸許蒼龍蟠  
金花絳囊如截玉  
綠面彷彿松谿寒  
人間此品那可得  
三年聞有終未識  
老夫於此百不忙  
飽食但苦夏日長  
北窗無風睡不解

齒頰苦澀思清涼故人新除協律郎交遊多在白玉堂  
揀牙鬪夸皆飫嘗幸為傳聲李太府煩渠折簡買頭綱  
謝木韞之舍人分送講筵賜茶

宋  
楊萬里

吳綾縫囊染菊水蠻砂塗印題進字淳熙錫貢新水芽  
天珍誤落黃茅地故人鸞渚紫薇郎金華講徹花草香  
宣賜龍焙第一網殿上走趨明月璫御前啜罷三危露  
滿袖香煙懷壁去歸來拈出兩蜿蜒雷鳴晦冥驚破柱

北苑龍芽內樣新銅圍銀範鑄瓊塵九天寶月霏五雲  
玉龍雙舞黃金鱗老夫平生愛煮茗十年燒穿折脚鼎  
下山汲井得甘冷上山摘芽得苦梗何曾夢到龍遊窠  
何曾夢吃龍芽茶故人分送玉川子春風來自玉皇家  
鍛圭椎壁調冰水烹龍魚鳳搜肝髓石花紫笋可衙官  
赤印白泥牛走爾故人氣味茶樣清故人丰骨茶樣明  
開緘不但似見面叩之咳唾金石聲麴生勸人墮巾幘  
睡魔勸我拋書冊老夫七椀病未能一啜猶堪坐秋夕

和曾逢原試茶連韻

宋 僧惠洪

霜須瘴面豁齒牙門前小舟嘗自拏茅茨叢竹依壠畬  
君來遊時方採茶傳呼部曲江路賒迎門顛倒披袈裟  
仙風照人虔敬加秀如春露濕蘭芽和如東風吹奇葩  
馬蹄歸路衝飛花青松轉壑登龍蛇路人聚觀不敢譁  
詩筒復肯來山家想見戟門兵衛遮湘江玉展無纖瑕  
但聞江空響釣車嗟予生計唯捥鰕安識醉墨翻側麻  
喜如小兒抱秋瓜宣和官焙囊絳紗見之美如養初爬



愛客自試歡無涯  
身世都忘是長沙  
院落日長蜂趁衙  
園林雨足鳴池蛙  
詩成句法規正邪  
細窺不容銖兩差  
逸羣翰墨爭傳誇  
坡谷非子前身耶  
沅湘萬古一長嗟  
明年夜直趨東華  
應有佳句懷煙霞

煮土茶歌

元  
洪希文

論茶自古稱壑源  
品水無出中濡泉  
莆中苦茶出土產  
鄉味自汲井水煎  
器新火活清味永  
且從平地休登仙  
王侯第宅鬪絕品  
揣分不到山翁前  
臨風一啜心自省

此意莫與他人傳

白雲泉煮茶

明 韓奕

白雲在天不作雨石罅出泉如五乳追尋能自遠師來  
題詠初因白公語山中知味有高禪採得新芽社雨前  
欲試點茶三昧手上山親汲雲間泉物品由來貴同性  
骨清肉膩味方永客來如解喫茶去何但令人塵夢醒

采茶詞

明 高啟

雷過谿山碧雲暖幽叢半吐槍旗短銀釵女兒相應歌

筐中摘得誰最多歸來清香猶在手高品先將呈太守  
竹爐新焙未得嘗籠盛販與湖南商山家不解種禾黍  
衣食年年在春雨

五言律

送陸鴻漸棲霞寺採茶

唐  
皇甫冉

採茶非採菴遠遠上層崖布葉春風暖盈筐白日斜  
知山寺路時宿野人家借問王孫草何時汎椀花

津梁寺採新茶與幕中諸公遍賞芳香尤異因

題四韻兼呈陸郎中

唐武元衡

靈卉碧巖下，萸英初散芳。  
塗塗猶宿露，采采不盈筐。  
陰竇藏煙濕，單衣染焙香。  
幸將調鼎味，一為奏明光。

穎公遺碧霄峯茗

宋梅堯臣

到山春已晚，何處有新茶。  
峯頂應多雨，天寒始發芽。  
採時林狹靜，蒸處石泉嘉。  
持作衣囊秘，分來五柳家。

怡然以垂雲新茶見餉，報以大龍團，仍戲作小

詩

宋蘇軾

妙供來香積珍烹具大官揀牙分雀舌賜茗出龍團  
曉日雲菴暖春風浴殿寒聊將試道眼莫作兩般看

綠窗詩

元孫淑

小閣烹香茗踈簾下玉鈎燈光翻出鼎釵影倒沈甌婢  
捧消春困親嘗散莫愁吟詩因坐久月轉晚妝樓

雨後過雲公問茶事

明居節

雨洗千山出氤氳綠滿空開門飛燕子吹面落花風野  
色行人外經聲流水中因來問茶事不覺過雲東

五言排律

五言月夜啜茶聯句

唐顏真卿

汎花邀坐客代飲引清言

陸士修

醒酒宜華席留僧想獨

園

張薦

不須攀月桂何暇樹庭萱

李亨

御史秋風勁尚書壯

斗尊

崔萬

流華淨肌骨疏淪滌心源

真卿

不似春醪醉何辭

綠菽繁

皎然

素瓷傳靜夜芳氣滿閒軒

士修

題茶山

唐杜牧

山實東吳秀茶稱瑞草魁剖符雖俗吏修貢亦仙才谿

盡停蠻棹旗張卓翠苔柳邛穿窈窕松澗渡喧豨等級  
雲峯峻寬平洞府開拂天聞笑語特地見樓臺泉嫩黃  
金湧牙香紫壁栽拜章期沃日輕騎疾奔雷舞袖嵐侵  
潤歌聲谷答迴磬音藏葉鳥雪豔照潭梅好是全家到  
兼為奉詔來樹陰香作帳花徑落成堆景物殘三月登  
臨愴一杯重遊難自尅俛首入塵埃

蜀州鄭使君寄烏觜茶因以贈答八韻

唐

薛能

鳥背擷渾牙精靈勝鑊烹嘗方帶酒滋味更無茶拒  
碾乾聲細撐封利穎斜銜蘆齊勁實啄木聚菁華鹽損  
添常誠薑宜著更誇得來拋道藥攜去就僧家旋覺前  
甌淺還愁後信賒千慙故人意此惠敵丹砂

故人寄茶

唐曹鄴

劍外九華英絨題下玉京開時微月上碾處亂泉聲半  
夜招僧至孤吟對月烹碧沈霞脚碎香汎乳花輕六腑  
睡神去數朝詩思清月餘不敢費畱伴肘書行



茶園十二韻

宋 王禹偁

勤王修歲貢晚駕過郊原蔽芾餘千本青蔥共一園牙  
新撐老葉土軟迸新根舌小侷黃雀毛獐摘綠猿出蒸  
香便別入焙火微溫採近桐華節生無穀雨痕緘滕防  
遠道進獻起頭番待破華胥夢先經閭闔門汲泉鳴玉  
甃開宴壓瑤罇茂育知天意甄收荷主恩沃心同直諫  
苦口類嘉言未復金鑿召年年奉至尊

和門下殷侍郎新茶二十韻

宋 徐鉉

暖吹入春園新芽競粲然才教鷹背圻未放雪花妍荷  
杖青林下攜筐旭景前孕靈資雨露鍾秀自山川碾後  
香彌遠烹來色更鮮名隨土地貴味逐水泉遷力藉流  
黃暖形模紫筍圓正當鑽柳火遙想湧金泉任道時新  
物須依古法煎輕甌浮綠乳孤竈散餘煙甘薺非予匹  
宮槐讓我先竹孤空冉冉荷弱謾田田解渴消殘酒清  
神感夜眠十漿何足饋百榼盡堪捐采擷唯憂晚營求  
不計錢任公因焙顯陸氏有經傳愛甚真成癖嘗多合

得仙亭臺虛靜處風月豔陽天自可臨泉石何妨雜管絃  
東山似蒙頂願得從諸賢

七言律

謝李六郎寄新蜀茶

唐

白居易

故情周匝向交親新茗分張及病身紅紙一封書後信  
綠芽十片火前春湯添勺水煎魚眼末下刀圭攪麴塵  
不寄他人先寄我應緣我自別茶人

謝劉相公寄天柱茶

唐

薛能

兩串春團敵夜光名題天柱印維揚偷嫌曼倩桃無味  
搗覺嫦娥藥不香惜恐被分緣利市盡應難覓為供堂  
麤官寄與真拋却賴有詩情合得嘗

峽中嘗茶

唐 鄭 谷

簇簇新英摘露光小江園裏火前嘗吳僧謾說鷓山好  
蜀叟休誇鳥觜香入座半甌輕汎綠開緘數片淺含黃  
鹿門閒客不歸去酒渴更知春味長

尚書惠蠟面茶

唐 徐 夔

武夷春暖月初圓採摘新芽獻地仙飛鵲印成香蠟片  
啼猿谿走木蘭船金槽和碾沈香末冰椀輕涵翠縷煙  
分贈恩深知最異晚鐙宜煮北山泉

東亭茶讌

唐鮑君微

閒朝向曉出簾櫳茗讌東亭四望通遠眺城池山色裏  
俯聆絃管水聲中幽篁映沼新抽翠芳槿低簷欲吐紅  
坐久此中無限興更憐團扇起清風

龍鳳茶

宋王禹偁

樣標龍鳳號題新賜得還因作近臣烹處豈期商嶺水  
碾時空想建谿春香於九畹芳蘭氣圓似三秋皓月輪  
愛惜不嘗惟恐盡除將供養白頭親

次謝許少卿寄卧龍山茶

宋趙抃

越芽遠寄入都時酬倡珍誇互見詩紫玉叢中觀雨脚  
翠峯頂上摘雲旗啜多思爽都忘寐吟苦更長了不知  
想到明年公進用卧龍春色自遲遲

嘗茶次寄越僧靈皎

宋林逋

白雲峯下兩槍新膩綠長鮮  
穀雨春靜試却如湖上雪  
對嘗兼憶剡中人  
餅懸金粉師應有  
筋點瓊花我自珍  
清話幾時搔首後  
願和松色勸三巡

惠山謁錢道人烹小龍團登絕頂望太湖

宋蘇軾

踏遍江南南岸山  
逢山未免更畱連  
獨攜天上小團月  
來試人間第二泉  
石路縈迴九龍脊  
水光翻動五湖天  
孫登無語空歸去  
半嶺松聲萬壑傳

次韻曹輔寄壑源試焙新茶

蘇軾

仙山靈雨濕行雲洗遍香肌粉未勻  
明月來投玉川子  
清風吹破武林春  
要知冰雪心腸好  
不是膏油首面新  
戲作小詩君莫笑  
從來佳茗似佳人

汲江煎茶

蘇軾

活水還須活火烹  
自臨釣石汲深清  
大瓢貯月歸春甕  
小杓分江入夜鐙  
雪乳已翻煎處脚  
松風忽作瀉時聲  
枯腸未易禁三盃  
臥聽山城長短更



戲酬嘗草茶

宋 沈與求

慣看畱客費瓜茶政羨多藏不示夸  
要使睡魔能偃草肯慙歡伯解迷花  
一旗但覺烹殊品雙鳳何須覓瑞茅  
待摘家山供茗飲與君盟約去驕奢

答卓民表送茶

宋 朱 松

攪雲飛雪一番新誰念幽人尚食陳  
髣髴三生玉川子破除千餅建谿春  
喚回窈窕清都夢洗盡蓬蓬渴肺塵  
便欲乘風度芥水却悲狡獪得君嗔

胡邦衡生日以詩送北苑八銜日注二餅

宋周必大

賀客稱觴滿冠霞懸知酒渴正思茶尚書八餅分閩焙  
主簿雙餅揀越芽妙手合調金鼎鉉清風穩到玉皇家  
明年勅使宣臺餽莫忘幽人賦葉嘉

次韻王少府送蕉坑茶

周必大

昏然午枕困漳濱醒以清風賴子真初似參禪逢硬語  
久如味諫得端人王程不起清明宴野老先分浩蕩春

敢向柘羅評綠玉待君同碾試飛塵

以六一泉煮雙井茶

宋  
楊萬里

鷹爪新茶蟹眼湯松風鳴雪兔毫霜細叅六一泉中味  
故有涪翁句子香日鑄建谿當退舍落霞秋水夢還鄉  
何時歸上滕王閣自看風爐自煮嘗

陳蹇叔郎中出閩漕別送新茶李聖俞郎中出  
手分似

楊萬里

頭網別樣建谿春小壁蒼龍浪得名細瀉谷簾珠顆露

打成寒食杏花餠  
鷓鴣斑椀面雲縈  
字兔褐甌心雪作  
泓不待清風生兩  
腋清風先向舌端  
生

次韻劉升卿惠焦坑寺茶用東坡韻

宋

王庭珪

日出城門啼早鴉  
杖藜投足野僧家  
非關西寺鐘前飯  
要看南枝雪裏花  
玉局偶然留妙語  
焦坑從此貴新茶  
劉郎寄我兼長句  
落筆更如錐畫沙

與客啜茶戲成

宋

僧惠洪

道人要我煮溫山似識相如病裏顏金鼎浪翻螃蟹眼  
玉甌紋刷鷓鴣斑津津白乳衝簪上拂拂清風產腋間  
喚起晴窗春書夢絕憐佳味少人攀

西域從王君玉乞茶因其韻

元

耶律楚材

積年不啜建谿茶心竅黃塵塞五車碧玉甌中思雪浪  
黃金碾畔憶雷芽盧仝七椀詩難得諗老三甌夢亦賒  
敢乞君侯分數餅暫教清興遶煙霞

其二

厚意江洪絕品茶先生分出蒲輪車  
雪花濫濫浮金藥  
玉屑紛紛碎白芽  
破夢一杯非易得  
搜腸三椀不能賒  
瓊甌啜罷酬平昔  
飽看西山插翠霞

其三

高人惠我嶺南茶  
爛賞飛花雪  
沒車玉屑三甌烹嫩藥  
青旗一葉碾新芽  
頓令衰叟詩魂爽  
便覺紅塵客夢賒  
兩腋清風生坐榻  
幽歡遠勝汎流霞

其四

酒仙飄逸不知茶可笑流涎見麴車玉杵和雲春素月  
金刀帶雨剪黃芽試將綺語求茶飲特勝春衫把酒賒  
啜罷神清淡無寐塵囂身世便雲霞

其五

長笑劉伶不識茶胡為買鍤謾隨車蕭蕭暮雨雲千頃  
礧礧春雷玉一芽建郡深甌吳地遠金山佳水楚江賒  
紅鑪石鼎烹團月一枕和香吸碧霞

其六

枯腸搜盡數杯茶，千卷胸中到幾車。  
湯響松風三昧手，雪香雷震一槍芽。  
滿囊垂賜情何厚，萬里攜來路更賒。  
清興無涯騰八表，騎鯨踏破赤城霞。

其七

啜罷江南一碗茶，枯腸歷歷走雷車。  
黃金小碾飛瓊屑，碧玉深甌點雪芽。  
筆陣陳兵詩思勇，睡魔卷甲夢魂賒。  
精神爽逸無餘事，臥看殘陽補斷霞。

嘗雲芝茶

元  
劉秉忠



鐵色皺皮帶老霜含英咀美入詩腸舌根未得天真味  
鼻觀先通聖妙香海上精華難品第江南草木屬尋常  
待將膚湊侵微汗毛骨生風六月涼

元統乙亥余除閩憲知事未行立春十日叅政

許可用惠茶寄詩以謝

元  
薩都拉

春到人間纔十日東風先過玉川家紫薇書寄斜封印  
黃閣香分上賜茶秋露有聲浮薤葉夜窗無夢到梅花  
清風兩腋歸何處直上三山看海霞

雪煎茶

元謝宗可

夜掃寒英煮綠塵  
松風入鼎更清新  
月團影落銀河水  
雲脚香融玉樹春  
陸井有泉應近俗  
陶江無酒未為貧  
詩脾奪盡豐年瑞  
分付蓬萊頂上人

煮茗軒

元謝應芳

聚蚊金谷任葷羶  
煮茗留人也自賢  
三百小團陽羨月  
尋常新汲惠山泉  
星飛白石童敲火  
煙出青林鶴上天  
午夢覺來湯欲沸  
松風初響竹爐邊

是夜酌泉試宜興吳大本所寄茶

明文徵明

醉思雪乳不能眠活火沙餅夜自煎白絹旋開陽羨月  
竹符新調惠山泉地爐殘雪貧陶穀破屋清風病玉川  
莫道年來塵滿腹小窗寒夢已醒然

某伯子惠虎丘茗謝之

明徐渭

虎丘春茗妙烘蒸七椀何愁不上升青箬舊封題穀雨  
紫砂新罐買宜興却從梅月橫三弄細攪松風炮一燈

合向吳儂形管說好將書上玉壺冰

七言排律

和伯恭自造新茶

宋余靖

郡庭無事即仙家野圃栽成紫筍茶  
疎雨半晴回暖氣輕雷初過得新芽  
烘褫精謹松齋靜採擷縈迂澗路斜  
江水對煎萍髮鬢越甌新試雪交加  
一槍試焙春尤早三盞搜腸句更嘉  
多謝彩箋貽雅贖想資詩筆思無涯

五言絕句

茶嶺

唐  
韋處厚

顧渚吳商絕蒙山蜀信稀  
千叢因此始含露紫茸肥

茶嶺

唐  
張籍

紫芽連白蘂初向嶺頭生  
自看家人摘尋常觸露行

山泉煎茶有懷

唐  
白居易

坐酌泠泠水看煎瑟瑟塵  
無由持一盃寄與愛茶人

七言絕句

與趙莒茶讌

唐  
錢起

竹下忘言對紫茶全勝羽客醉流霞塵心洗盡興難盡  
一樹蟬聲片影斜

新茶詠寄上西川相公二十三舅大夫二十舅

唐  
盧綸

三獻蓬萊始一嘗日調金鼎閱芳香貯之玉合才半餅  
寄與阿連題數行

嘗茶

唐  
劉禹錫

生拍芳茸鷹背芽老郎封寄謫仙家今宵更有湘江月

照出霏霏滿盃花

蕭員外寄新蜀茶

唐白居易

蜀茶寄到但驚新  
渭水煎來始覺珍  
滿甌似乳堪持翫  
況是春深酒渴人

乞新茶

唐姚合

嫩綠微黃碧澗春  
採時聞道斷葷辛  
不將錢買將詩乞  
借問山翁有幾人

茗坡

唐陸希聲

二月山家穀雨天半坡  
芳茗露華鮮春醒酒病兼消渴  
惜取新芽旋摘煎

答友寄新茗

唐  
李羣玉

滿火芳香碾麴塵  
吳甌湘水綠花新  
愧君千里分滋味  
寄與春風酒渴人

煎茶

唐  
成彥雄

岳寺春深睡起時  
虎跑泉畔思遲遲  
蜀茶倩箇雲僧碾  
自拾枯松三四枝



與亢居士青山潭飲茶

唐僧靈一

野泉烟火白雲間  
坐飲香茶愛此山  
巖下維舟不忍去  
青溪流水暮潺潺

茶

宋林逋

石碾輕飛瑟瑟塵  
乳香烹出建谿春  
世間絕品人難識  
閒對茶經憶古人

遊諸佛舍一日飲  
釀茶七盞戲書勤  
師壁

宋蘇軾

示病維摩元不病在家靈運已忘家何須魏帝一丸藥  
且盡盧仝七椀茶

謝公擇舅分賜茶

宋

黃庭堅

外家新賜蒼龍壁壯焙風煙天上來明日蓬山破寒月  
先甘和夢聽春雷

奉同公擇作揀芽詠

黃庭堅

赤囊歲上雙龍璧曾見前朝盛事來想得天香隨御所  
延春閣道轉輕雷

初識茶花

宋 陳與義

伊軋籃輿不受催  
湖南秋色更佳哉  
青裙玉面初相識  
九月茶花滿路開

李茂嘉寄茶

宋 孫覲

蠻珍分到謫仙家  
斷壁殘璋裏絳紗  
擬把金釵候湯眼  
不將白玉伴脂麻

舟泊吳江

宋 楊萬里

江湖便是老生涯  
佳處何妨且泊家  
自汲淞江橋下水

垂虹亭上試新茶

賞茶

宋戴昺

自汲香泉帶落花漫燒石鼎試新茶  
綠陰天氣閒庭院  
臥聽黃蜂報晚衙

偶成

金吳激

解湯兔盞鬪旗槍風雨山中枕簟涼  
學道窮年何所得  
只工掃地與焚香

夏至

金趙秉文

玉堂睡起苦思茶  
別院銅輪碾露芽  
紅日轉階簾影薄  
一雙蝴蝶上葵花

題蘇東坡墨蹟

元虞集

老却看山長帽翁  
茶煙輕颺鬢絲風  
錦囊舊賜龍團在  
誰為分泉落月中

竹窗

元馬臻

竹窗西日晚來明  
桂子香中鶴夢清  
侍立小童閒不動  
蕭蕭石鼎煮茶聲

過山家

明高啟

流水聲中響緯車板橋春暗樹無花風前何處香來近  
隔崦人家午焙茶

送翰林宋先生致政歸金華

明孫蕢

紅鞋金帶荔枝花三品詞林內相家歸去山中無個事  
瓦餅春水自煎茶

送茶僧

明陸容

江南風致說僧家石上清香竹裏茶法藏名僧知更好

香煙茶暈滿袈裟

贈歐道士賣茶

明施漸

靜守黃庭不煉丹，因貧却得一身閒。  
自看火候蒸茶熟，野鹿銜筐送下山。

題唐伯虎烹茶圖為喻正之太守

明王穉登

太守風流嗜酪奴，行春常帶煮茶圖。  
圖中傲吏依稀似，紗帽籠頭對竹爐。

其二

靈源洞口採旗槍五馬來乘穀雨嘗從此端明茶譜上  
又添新品綠雲香

其三

伏龍十里盡香風正近吾家別墅東他日干旄能見訪  
休將水厄笑王濛

暮春偶過山家

明  
吳  
兆

山却處處採新茶一道春流繞幾家石徑行來微有跡



不知滿地是松花

題書經屋

明

僧德祥

池邊木筆花新吐  
窗外芭蕉葉未齊  
正是欲書三五偈  
煮茶香過竹林西

御定佩文齋詠物詩選卷二百四十四

欽定四庫全書蒼要卷一萬八千八百六十七

集部

御定佩文齋詠物詩選卷二百四十五

飯類

五言古

蔬飯

宋朱松

巖拳嬰兒手笋解籜龍蛻薦羞杞菊間采斲煙雨外嗟  
予飯藜藿咽塞舟沂瀨朝來二美兼一飽良已泰克腸  
我誠足染指客應慨平生食肉相琴瑟何足賴王郎催

牛炙韓老憶鯨鱠俠氣信雄夸戲語亦狡獪我師魯顏  
子陋巷翳蓬艾執瓢不可從一取清泉酌

五言律

佐還山後寄

唐  
杜甫

白露黃粱熟分張素有期已應春得細頗覺寄來遲味  
豈同金菊香宜配綠葵老人他日愛正想滑流匙

七言律

潤卿遺青飢飯兼之一絕聊用答謝

唐皮日休

傳得三元飀飯名，大宛聞說有仙卿。  
分泉過屋春青稻，拂霧褰衣折紫莖。  
蒸處不教雙鶴見，服來唯怕五雲生。  
草堂空坐無飀色，時把金津漱一聲。

七言絕句

潤卿遺青飀飯

唐陸龜蒙

舊聞香積金僊食，今見青精玉斧餐。  
自笑鏡中無骨錄，可能飛上紫雲端。

以青飀飯分送龍褒美魯望因成一絕

唐張賁

誰屑瓊瑤事青飀舊傳名品出華陽應宜仙子胡麻拌  
因送劉郎與阮郎

送喬全寄賀君

宋蘇軾

千古風流賀季真最憐嗜酒謫仙人狂吟醉舞知無益  
粟飯藜羹問養神

竹枝歌

宋楊萬里

岸傍燎火莫闌殘，須念兒郎手脚寒。  
更把綠荷包熱飯，前頭不怕上高灘。

武陵莊

明 沈明臣

青精作飯紫萸羹，飽後微吟水上行。  
不道空山曾有寺，隔谿風送午鐘聲。

御定佩文齋詠物詩選卷二百四十五



欽定四庫全書蒼要卷一萬八千八百六十八集部

御定佩文齋詠物詩選卷二百四十六

粥類

五言古

啣茗粥作

唐  
儲光義

當晝暑氣盛鳥雀靜不飛  
念君高梧陰復解山中衣  
數片遠雲度曾不蔽炎暉  
淹留膳茶粥共我飯蕨薇  
蔽廬既不遠日暮徐徐歸

七言古

附長短句

豆粥

宋蘇軾

君不見滹沱流澌車折軸公孫倉黃奉豆粥濕薪破竈  
自燎衣飢寒頓解劉文叔又不見金谷敲冰草木春帳  
下烹煎皆美人萍蘆豆粥不傳法吐嗟而辨石季倫干  
戈未解身如寄聲色相纏心已醉身心顛倒自不知更  
識人間有真味豈如江頭千頃雪色蘆茅簷出沒晨煙  
孤地雖舂秬光似玉沙瓶煮豆軟如酥我老此身無著

處賣書來問東家住臥聽雞鳴粥熟時蓬頭曳履君家  
去

口數粥行

宋范成大

家家臘月二十四  
浙米如珠和豆煮  
大杓撩鐺分口數  
疫鬼聞香走無處  
鏤薑屑桂澆蔗糖  
滑甘無比勝黃粱  
全家團樂罷晚飯  
在遠行人亦留分  
襁中孩子強教嘗  
餘波溥霑獲與臧  
新元叶氣調玉燭  
天行已過來萬福  
物無疵厲年穀熟  
長向臘殘分豆粥

豆粥

宋 僧惠洪

出碓新秔明玉粒落叢小豆楓葉赤井花洗秔勿去其  
沙餅煮豆須彌日五更鍋面漚起滅秋沼隆隆踈雨集  
急除烈焰看徐攪豆才亦起汨渦入須臾大杓傳淨甕  
浪寒不興色如粟食餘偏稱地爐眠白灰紅火光濛密  
金谷賓朋怪吐嗟萋亭君臣相記憶我今萬事不知他  
但覺銅餅蚯蚓泣

七言律

食茯苓粥

明周砥

荷鏤穿雲得茯苓作糜從此謝吞腥齋廚自啟添松火  
香韻初浮滿竹庭時憶紫芝歌舊曲尚尋黃獨制頽齡  
今晨暫輟青精飯與潔方壇味玉經

七言絕句

評事翁寄賜錫粥走筆為答

唐李商隱

粥香錫白杏花天省對流鶯坐綺筵今日寄來春已老  
鳳樓迢遞憶鞦韆

戲鄭秀才

金劉勳

張老豆新頻見餉鄭家米鑿不須賒客來粥熟吾能辦  
要與齊奴鬪吐嗟

灤京雜詠

元楊允亨




山下曉風酸掩面佳人半怯寒倚戶殷勤喚嘗粥

正宜倦客宿征鞍

俗賣  
豆粥

御定佩文齋詠物詩選卷二百四十六



總校官庶吉士臣侍朝

校對官修撰臣張書勳

謄錄監生臣陸學稼

欽定四庫全書薈要

集部

御定詠物詩選卷二百

四十七至  
五十八

詳校官原任主事臣李斯咏



欽定四庫全書薈要卷一萬八千八百六十九

集部

御定佩文齋詠物詩選卷二百四十七

麵類

五言古

槐葉冷淘

唐

杜甫

青青高槐葉  
采掇付中廚  
新麵來近市  
汁滓宛相俱  
入鼎資過熟  
加餐愁欲無  
碧鮮俱照筋  
香飯兼苞蘆  
經齒冷於雪  
勸人投比珠  
願隨金駟裏  
走置錦屠蘇  
路遠思

恐泥興深終不渝獻芹則小小薦藻明區區萬里露寒  
殿開冰清玉壺君王納涼晚此味亦時須

甘菊冷淘

宋 王禹偁

經年厭梁肉頗覺道氣渾孟春致齋戒勅廚惟素飧淮  
南地甚暖甘菊生籬根長芽觸土膏小葉弄晴暎采采  
忽盈把洗去朝露痕俸麪新且細漉牢如玉墩隨刀落  
銀縷煮投寒泉盆雜此青青色芳香敵蘭蓀一舉無牙  
遺空媿越盃存解衣露其腹稚子為我捫飽慙廣文鄭

飢謝魯山元況我草澤士藜藿供朝昏謬因事筆硯名  
通金馬門官供政事食久直紫薇垣誰言謫滁上吾族  
飽且溫既無甘旨慶焉用味品煩子美重槐葉直欲獻  
至尊起予有遺韻甫也可與言

七言古

傅家麪食行

明程敏政

傅家麪食天下工製法來自東山東美如甘酥色瑩雪  
一出入口心神融旁人未許窺炙釜素手每自開蒸籠

侯鯖尚食固多品此味或恐無專功并洛人家亦精辦  
斂手未敢來爭雄主人官屬司徒公好客往往尊壘同  
我雖北人本南產飢腸不受餅餌充惟到君家不須勸  
大嚼頗懼冰盤空膝前新生兩小童大者已解呼乃翁  
願君飭餼常加豐待我醉攜雙袖中

五言律

粃麩

元許有壬

坡遠花全白霜輕實便黃杵頭麩退墨磴齒雪流香玉

葉翻盤薄銀絲出漏長  
元宵貯膏火蒸黑笑南鄉

七言絕句

房陵

宋陳造

夏田少雨富來年  
多雨何妨穡事秋  
已戒日供皮子麩  
更教晚稻飽霜收

御定佩文齋詠物詩選卷二百四十七

欽定四庫全書薈要卷一萬八千八百七十

集部

御定佩文齋詠物詩選卷二百四十八

糕類

七言古

謝韓幹送絲糕

宋陳造

玉顆瑩澈珠就磋吳鄉早秔莫計過無乃風露秀結異  
移種崑崙之木禾國家廚婦一百技三春九浙付重羅  
銀絲千尋忽縈積中疎外潔生搓接扶桑仙蠶大如盎

線之本供織女梭恍驚萬啄鬪新巧冒作冰茸雪網窠  
即今擬形供食事纖手幻出千約多倒甑入筯第三絕  
色香兼味皆可歌周官賓祭珍饗餌有此復具理則那  
詩翁物色及粒粒得此來前當見訶鱸盤漫詫金縷飢  
湯餅徒誇銀線窩瓊酥玉膩信非匹胡麻崖蜜仍相和  
感君汎愛記衰朽回首一笑分餘波腐儒口實長作累  
饒鐘之名定不磨金山別去每挂夢老眼復見還雙摩  
婪酣得飽問便腹如汝平生相負何更從公子乞方法



日當飫之老澗過買田二頃不種秫未怕酒客來操戈  
七言律

九日陪諸閣老食賜糕次謝授經韻

明高啟

叨陪講席按詞曹曉禁霜花點素袍院貯圖書西掖靜  
雲連宮殿北山高故園莫憶黃花酒內府初嘗赤棗糕  
最愛鳳毛今復見便令池上一揮毫

七言絕句

灤京雜詠

元 楊允孚

葡萄萬斛壓香醪  
華屋神仙意氣豪  
酬節涼糕猶末品  
內家先散小絨絛

御定佩文齋詠物詩選卷二百四十八

欽定四庫全書蒼要卷一萬八千八百七十一

集部

御定佩文齋詠物詩選卷二百四十九

餅類

七言律

乙亥元日十峯飲師邵東齋出予家桂餅師邵  
有詩自牆上遞至次韻奉答

明

顧清

寶鈿和露壓金英為趁秋光一日成月殿有人留素影

花林無物稱佳名，攜來不覺鄉關遠。  
吟罷猶令客夢清，茗盃酒杯皆可意。  
好將新歲作傳生。  
唐人歲首飲酒名傳生。

七言絕句

寄胡餅與楊萬州

唐白居易

胡麻餅樣學京都，麪脆油香新出爐。  
寄與飢饒楊大使，嘗看得似輔興無。

對食戲作

宋陸游

春前臘後物華催，時伴兒曹把酒杯。  
蒸餅猶能十字裂，

餽飩那得五般來

題扇與周幹臣

元虞集

玉壘松花蜜餅香  
龍珠星顆露盤涼  
遙知環碧樓中坐  
翠竹蒼松夏日長

御定佩文齋詠物詩選卷二百四十九

欽定四庫全書薈要卷一萬八千八百七十二

集部

御定佩文齋詠物詩選卷二百五十

饌類

五言律

慕容承攜素饌見過

唐王維

紗帽烏皮几閒居懶賦詩門看五柳識年算六身知靈  
壽君王賜彫胡弟子炊空勞酒食饌持底解人頤

七言律

丁丑五月大旱雩禱上齋居御講頒賜素蔬一

盒

明

于慎行

雲漢憂歌歲事艱桑林虔禱聖心殫祈年不輟金華講  
減膳猶分玉筋餐始見仙盤凝汎露却嘗寶饌是調蘭  
崇朝膚寸紆宸想霖雨應騰四野歡

五言絕句

中書送敕賜齋饌戲酬內

唐

權德輿

常日每齊着今朝共解頤遙知大官膳應與衆雛嬉



七言絕句

灤京雜詠

元楊允亨

御饌官廚不較餘  
金門掌膳意勤如  
更分光祿餅中酒  
爛醉歸時月上初

御定佩文齋詠物詩選卷二百五十

欽定四庫全書薈要卷一萬八千八百七十三

集部

御定佩文齋詠物詩選卷二百五十一

酥類

七言絕句

劉監倉家煎米粉作餅子余云為甚酥潘邠老  
家造後巡酒余飲之云莫作醋錯著水來否  
後數日余攜家飲郊外因作小詩戲劉公求  
之

宋

蘇軾

野飲花間百物無  
杖頭惟挂一葫蘆  
已傾潘子錯著水  
更覓君家為甚酥

寄顏經略羊酥

元 貢師泰

三山五月尚清寒  
新滴羊酥凍玉椀  
何物風流可相稱  
兔毫花淪水龍團

灤京雜詠

元 楊允孚

營盤風軟淨無沙  
乳餅羊酥當啜茶  
底事燕山下女  
生平馬上慣琵琶



御定佩文齋詠物詩選卷二百五十一

欽定四庫全書蒼要卷一萬八千八百七十四集部

御定佩文齋詠物詩選卷二百五十二

乳類

五言古

詠有人乞牛舌乳不付因餉檳榔詩

梁

劉孝綽

陳乳何能貴爛舌不成珍空持渝皓齒非但汗丹唇別  
有無枝實曾要湛上人羞比朱櫻熟詎易紫黎津莫言

蒂中久當看心裏新微芳雖不足含咀願相親

七言律

寄賈搏霄乞馬乳

元耶律楚材

天馬西來釀玉漿革囊傾處酒微香  
長沙莫吝西江水  
文舉休空北海觴  
淺白痛思瓊液冷  
微甘酷愛蔗漿涼  
茂陵要灑塵心渴  
願得朝朝賜我嘗

五言絕句

乳餅

宋朱子



清朝薦蔬盤乳鉢有真味不用精瓊糜無勞爛羊胃

御定佩文齋詠物詩選卷二百五十二

欽定四庫全書蒼要卷一萬八千八百七十五

集部

御定佩文齋詠物詩選卷二百五十三

羹類

五言古

狄韶州煮蔓菁蘆服羹

宋

蘇軾

我昔在田間寒庖有珍烹  
常支折脚鼎自煮花蔓菁  
中年失此味想象如隔生  
誰知南岳老解作東坡羹  
中有蘆服根尚含曉露清  
勿語貴公子從渠嗜羶腥

龍福寺煮東坡羹戲作

宋朱弁

山寺解塵鞅谿邊有微行手摘諸葛菜自煮東坡羹雖  
無錦繡腸亦飽風露清鈎簾坐捫腹落日千峯明

食菜羹示何道士

宋僧惠洪

窮冬海道絕瘴雨晴墟里何以知歲豐未卯炊煙起先  
生清夢回科髻方隱几獠奴拾墮薪發爨羹諸米飽霜  
闊葉菘近水繁花薺都盧深注湯米爛菜自美椎門醉  
道士一笑欲染指誠勿加酸醎云恐壞至味分嘗果超

絕玉糝那可比鮮肥增惡欲腥葷耗道氣畢生啜此羹  
自可老儋耳錄以寄徐聞阿同應笑喜

七言古

戲督潛亨作春羹

宋

鄒浩

先生家中餘玉粒粉以為餅陪春羹春羹品物謝時味  
江流暖汎園中英晴窗對案忽舉首徑走長鬚呼友生  
襄陽大夫腹如鼎一筋九牛猶未盈歡然放筋即過我  
自歎珍庖逾大烹且言初意亦在我屬我府事留西城

先生飯不飯俗客若苦轉盼相倒傾東風雕刻物物好  
槎頭縮頸尾不頰藥苗蔬甲破土出似與米齊爭功名  
應憐十載瘦藜莧為我一除飢腸鳴

蓴羹歌

明 李流芳

怪我生長居江東不識江東蓴菜美今年四月來西湖  
西湖蓴生滿湖水朝朝暮暮來采蓴西湖城中無一人  
西湖蓴菜蕭山賣千擔萬擔湘湖濱吾友數人偏好事  
時呼輕舸致此味柔花嫩葉出水新小摘輕淹雜生氣

微施薑桂猶清真未下鹽豉已高貴吾家平頭解烹煮  
間出新意殊可喜一朝能作千里羹頓使吾徒搖食指  
琉璃盃盛碧玉光五味紛錯生馨香出盤四座已歎息  
舉筋不敢爭先嘗淺斟細嚼意未足指點杯盤戀餘馥  
但知脆滑利齒牙不覺清虛累口腹血肉腥臊草木枯  
此味超然離品目京師黃芽軟如酥家園燕笋白如玉  
差堪與汝為執友菁根杞苗皆臣僕君不見區區芋魁  
亦遭遇西湖尊生人不顧季鷹之後有吾徒此物千年

免沈錮君為我飲我作歌得此十斗不足多世人耳食  
不貴近更須遠挹湘湖波

七言律

食蛤蜊米脯羹

宋楊萬里

傾來百顆恰盈奩剝作杯羹未屬厭莫遣下鹽傷正味  
不曾著蜜若為甜雪揩玉質全身瑩金綠冰鈿半鏤織  
更浙香秔輕糝却發揮風韻十分添

菜羹

元洪希文



雨後過畦嫩甲長，士夫此味未能忘。  
筠籠採擷朝晡供，土銚烹熬雨露香。  
鹽豉勻調仍點露，香粳細擣旋加薑。  
老饕賦好人爭誦，喚醒歐生為洗狂。

七言絕句

過子忽出新意，以山芋作玉糝羹。  
色香味皆奇絕，天上酥陀則不可知。  
人間決無此味也。

宋

蘇軾

香似龍涎仍醜白，味如牛乳更全清。  
莫將南海金齏膾，

輕比東坡玉糝羹

素羹

宋范成大

檀芋凝酥敵少城  
土諸割玉勝南京  
合和二物歸藜糝  
新法儂家骨董羹

東坡羹

宋僧惠洪

分外濃甘黃竹筍  
自然微苦紫藤心  
東坡鐺內相容攝  
乞與饒禪掉舌尋

嶺南雜詠

明汪廣洋

吉貝衣單木屐輕晚涼門外踏新晴相逢故舊無多語  
解說邊爐骨董羹

御定佩文齋詠物詩選卷二百五十三

欽定四庫全書蒼要卷一萬八千八百七十六

集部

御定佩文齋詠物詩選卷二百五十四

湯類

七言絕句

歸宜興留題竹西寺

宋

蘇軾

道人勸飲雞蘇水  
童子能煎鶯粟湯  
暫借藤牀與瓦枕  
莫教孤負竹風涼

鄒松滋寄苦竹泉橙麴蓮子湯

宋  
黃庭堅

松滋縣西竹林寺苦竹林中甘井泉  
巴人漫說蝦蟇焙  
試裏春芽來就煎

其二

天將金闕真黃色借與洞庭霜  
後橙松滋解作逡巡麴  
壓倒江南好事僧

其三

新收千百秋蓮葍剝盡紅衣搗玉霜  
不假參同成氣味

跳珠枕裏綠荷香

贈別徐監觀

宋  
葛長庚

曉來自點素馨湯  
兩朵蓮花隔宿香  
夜醉至今猶未醒  
荔枝取次對枯腸

御定佩文齋詠物詩選卷二百五十四



欽定四庫全書蒼要卷一萬八千八百七十七

集部

御定佩文齋詠物詩選卷二百五十五

糖霜類

七言律

糖霜

元 洪希文

春餘甘蔗榨為漿色美鶯兒淺淺黃  
金掌飛仙承瑞露板橋行客履新霜  
攜來已見堅冰漸嚼過誰傳餐玉方  
輸與雪堂老居士牙盤瑪瑙妙稱揚

七言絕句

答梓州雍熙長老寄糖霜

宋 黃庭堅

遠寄蔗漿知有味，勝于崔子水晶鹽。  
正宗掃地從誰說，我舌猶能及鼻尖。

御定佩文齋詠物詩選卷二百五十五

欽定四庫全書薈要卷一萬八千八百七十八

集部

御定佩文齋詠物詩選卷二百五十六

食物雜類

五言古

謝張泰伯惠黃雀鮓

宋  
黃庭堅

去家十二年黃雀慳下筋笑開張侯盤湯餅始有助蜀  
王煎穀法醢以羊羶兔麥餅薄於紙含漿和醎酢秋霜  
落場穀一一挾蠶絮殘飛蒿艾間入網輒萬數烹煎宜

老稚嬰缶煩愛護南包解京師至尊所珍御玉盤登百  
十睥睨輕桂蠹五侯噦豢豹見謂美無度瀕河飯食漿  
瓜菹已佳茹誰言風沙中鄉味入供具坐令親饌甘更  
使客得與蒲陰雖窮僻勉作三年住願公且安樂分寄  
尚能屢

次聖與小兒啖虎脯篇

宋  
劉宰

折臂最小兒骨聳穎微廣弗說螺螄小可以吞大象那  
敢謂其然且幸日稍長顧似陶家郎智識殊不爽強令

侍師席跳踉繞函丈胡能辨滋味舍魚取熊掌但見蔬  
果列攫取如技癢嘉餽得虎鬻新獵出林莽對之懶下  
筋殺氣猶可想呼兒食之既睥睨尚來往饕餮我所羞  
跌蕩或稱賞服猛豈渠能過獎謝吾黨深慚如敝帚有  
誤千金享

菽乳

明  
孫作

淮南信佳士思仙築高臺八老變童顏鴻寶枕中閑異  
方營齊味數度真琦瑰作羹傳世人令我憶蓬萊茹葷

厭葱韭此物乃呈才戎菽來南山清漪浣浮埃轉身一  
旋磨流膏入盆罌大釜氣浮浮小眼湯汨汨頃待晴浪  
翻坐見雪花皚青鹽化液滷絳蠟竄煙煤霍霍磨昆吾  
白玉大片裁烹煎適吾口不為老齒摧蒸豚亦何為人  
乳聖所哀萬錢同一飽斯言匪俳詼

七言古

附長短句

長林令衛象錫絲結歌

唐

司空曙

主人瑠盤盤素絲寒女眷眷墨子悲乃言假使錫為之

八珍重昏失顏色手援玉筋不敢持始狀芙蓉新出水  
仰坼重衣傾萬藥又如合歡交亂枝紅茸向暮花參差  
吳蠶絡蠶抽尚絕細縷纖毫看欲滅雪髮羞垂倭墮鬢  
繡囊畏並茱萸結我愛此絲巧妙絕世間無為君作歌  
陳座隅

安州老人食蜜歌

宋蘇軾

安州老人心似鐵老人心肝小兒舌不食五穀惟食蜜  
笑指蜜蜂作檀越蜜中有詩人不知千花百草爭含姿

老人咀嚼時一吐還引世間癡小兒小兒得詩如得蜜  
蜜中有藥治百疾正當狂走捉風時一笑看詩百憂失  
東坡先生取人廉幾人相歡幾人嫌恰似飲茶甘苦雜  
不如食蜜中邊甜因君寄與雙龍餅鏡空一照雙龍影  
三吳六月水如湯老人心似雙龍井

謝崔致君餉天花

宋朱弁

三年北饌飽羶葷佳蔬頗憶江南味地菜方為九夏珍  
天花忽從五臺至崔侯胸中散千卷金甌名相傳雲裔



愛山亦如謝康樂得此攜歸豈容易應念使館久寂寥  
分餉明明見深意堆盤初見瑤草瘦鳴齒稍覺瓊枝脆  
樹雞濕爛慙扣門桑蛾青黃漫趨市赤城菌子立萬釘  
今日因君不知貴乖龍耳僅免一割沙門業已通三世  
偃戈息民未有術雖復加餐祇增媿雲山去此縱不遠  
口腹何容更相累報君此詩永為好捧腹一笑萬事置

李聖俞郎中求吾家江西黃雀醪法戲作醪經

遺之

宋  
楊萬里

江夏無雙小道士一丘一壑長避世裁雲縫霧作羽衣  
蘆花柳綿當裘袂身騎鴻鵠太液池脚踏金臺攀桂枝  
渴飲南陽菊潭水飢啄藍田粟玉芝今年天田秋大熟  
紫皇遣刈神倉穀一雙鳧雁墮雲羅夜隨弋人臥茅屋  
賣身不直程將軍却與彭越俱策勲解衣戲入玉壺底  
壺中別是一乾坤水精鹽山兩岐麥身在椒蘭衆香國  
玉條脫下澡凝脂金叵羅中酌瓊液平生學仙不學禪  
剗心洗髓糟牀邊諸公俎豆驚四筵猶得留侯借筋前

昔為飛仙今酒仙更入太史滑稽篇

吳春卿餉臘猪肉戲作古句

楊萬里

老夫畏熱飯不能先生饋肉香傾城霜刀削下黃水精  
月斧斫出紅松明君家豬紅臘前作是時雪後吳山脚  
公子彭生初解縛糟丘挽上凌煙閣却將一盞配兩螯  
世間真有揚州鶴

謝親戚寄黃雀

楊萬里

黃金家書寄中庭牘背仍題雙掩并不知千里寄底物

白泥紅印三十餅  
甕餅淺染茱萸紫  
心知親賓寄鄉味  
印泥未開出饒水  
印泥一開香撲鼻  
江西山間黃羽衣  
純綿被體白如脂  
偶然一念墮世網  
身插兩翼那能飛  
誤蒙諸公相俎豆  
月裏花邊一杯酒  
先生與渠元不疎  
兩年眼底不見渠  
端能訪我荆谿曲  
願借前籌酌鄴淥

蜂兒榷歌

宋葉適

平林常榷啖俚蠻  
玉山之產升金盤  
其中一樹斷崖立  
石乳蔭根多歲寒  
形嫵蜂兒尚鹿麕  
率味嫌蜂兒少標  
律

昔日取急欲高比，今我細論翻下匹。世間異物難並兼，  
百年不許羸裁添。餘甘何為滿地澀，荔子正復漫天甜。  
浮雲變化嗟俯仰，靈芝醴泉成獨往。後來空向玉山求，  
坐對蜂兒還想象。

五言律

酬崔御史送熊掌

元虞集

熊掌來東國，分甘到老夫。鸞刀寒斷節，翠釜暖柔膚。兔  
脫中山醢，魚藏丙穴腴。藜腸渾未厭，玉食恐時須。

七言律

龍美以巨魚之半見分因以酬謝

唐  
陸龜蒙

誰與春江上信魚可憐霜刃截來初鱗隳似撒騷人屋  
腹斷疑傷遠客書避網幾跳山影破逆風曾感浪花虛  
今朝最是家童喜免泥荒畦掇野蔬

邦衡再送二詩一和為甚酥二和牛尾狸

宋  
周必大

金谷烹煎豈我徒磨春爭語夜闌廚六年不賜湯官餌  
除日猶分刺史酥小惠無多真畫餅大篇有味勝清醕  
遙知發冢烘堂處不見蒸鷺只瓠壺

其二

追跡猶應怨獵徒截肪何敢恨庖廚膾鱸湖上曾誇玉  
煮豆餅中未是酥伴食偏宜十字餅先驅正賴一卮醕  
却因玉面新名字腸斷元正白獸壺

鹿尾

元  
耶律楚材

鑿輿秋獮獵南岡鹿尾分甘賜尚方濃色殷殷紅玉髓  
微香馥馥紫瓊漿韭花酷辣同蔥薤芥屑差辛類桂薑  
何似羶根蘸濃液邀將詩客大家嘗

糟魚

元  
王惲

霜刀截斷玉腴芳暖貯銀罌釀粉漿錦尾帶頰傳內品  
金盤堆雪喜初嘗解醒未減黃柑美雋味能欺紫蟹香  
一筋饜餘乘醉卧夢橫滄海聽鳴榔

琉璃肺

王惲



擊鮮為具樂朋簪辣品流馨漲綠沈犀筋喜辛忘海味  
霜刀爭割快牛心四筵談屑霏餘烈一縷冰漿濯素襟  
勝過屠門矜大嚼夢雲飛繞蹠林深

粉丸

明  
吳寬

淨淘細碾玉霏霏萬顆完成素手稀鬚上輕圓真易拂  
腹中磊塊更堪圍不勞劉裕呼方旋若使陳平食更肥  
既飽有人頻咳唾席間往往落珠璣

油飴

吳寬

膩滑津津色未乾聊因佳節助杯盤畫圖莫使依寒具  
書信何勞送月團曾見范公登雜記獨逢吳客勸加餐  
當筵一嚼誇甘美老大無成憶胆丸

以燈圓餉陸太僕

明顧清

三五新正憶故園屑雲縻玉鬧春盤小奴解作江南意  
遠客都忘歲暮寒梅欲鬪圓忙著子雪如爭巧故成團  
玉厓太僕真清吏莫認明珠按劍看

賜鮮鮓魚

明于慎行

六月鮭魚帶雪寒三千江路到長安堯廚未進銀刀鱠  
漢闕先分玉露盤賜比羣卿恩已重頌隨元老遇猶難  
遲回退食慙無補仙饌年年領大官

五言絕句

豆腐

宋朱子

種豆豆苗稀力竭心已腐  
早知淮王術安坐獲泉布

七言絕句

寒具

宋蘇軾

纖手搓來玉數尋，碧油輕蘸嫩黃深。  
夜來春睡濃於酒，壓福佳人纏臂金。

醉中信筆作

宋陸游

今朝賣穀得青錢，自出街頭買彘肩。  
草火燎來香滿屋，未容下筯已流涎。

荷包鮓

宋宋伯仁

買得荷包酒，旋沽荷包鮓。  
惜不是鱸魚鱸魚，不見張翰輩。  
白向滄波隱處居。

圓子

宋 朱淑真

輕圓絕勝雞頭肉滑膩偏宜蟹眼湯縱可風流無處說  
已輸湯餅試何郎

引奏後即事

明 蔡羽

金華筵罷退從容小仗穿花聽午鐘五色傘中黃帕幕  
大官初進紫駝峯

御定佩文齋詠物詩選卷二百五十六